

Ժողովուրդ

159
(2825)

9 նոյեմբերի հինգշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՆՈՅԵՄԲԵՐԻ 9-Ի ԳՈՐԾԵՐԸ ԿԱՐՃՎԵԼ ԵՆ




«Ժողովուրդ» օրաթերթի տեղեկությունների համաձայն՝ Ազգային անվտանգության ծառայությունը կարճել է 2020 թվականի նոյեմբերի 9-ի հրադարարից հետո՝ գիշերը, Երևանում գանգաբանական անկարգությունների քրեական գործով անցնող 10-ից ավելի անձանց նկատմամբ հարուցված քրեական գործերը: «Ժողովուրդ» օրաթերթը գրել էր. «2020 թվականի պատերազմի ավարտից հետո մի խումբ քաղաքացիներ, վրդովված ՀՀ վարչապետ Նիկոլ Փաշինյանի՝ նոյեմբերի 9-ի հրադարարի մասին հայտարարությունից, գիշերը Երևանում գանգաբանական անկարգություններ կատարեցին: ՀՀ ազգային անվտանգության ծառայությունում այս դեպքերի մասով բազմաթիվ քրեական վարույթներ կային, որոնք մինչ օրս շարունակվում են: Եվ, ահա, այս դեպքերից 3 տարի անց միայն նախաքննական մարմինը դադարեցրեց տարբեր քաղաքացիների նկատմամբ քրեական հետապնդումները, քանի որ 3 տարի անց նախաքննական մարմինը հիմնավոր ապացույցներ չգտավ մեղադրյալների մասով, որ գործը ուղարկի դատարան: Հիշեցնենք, որ 2020 թվականի նոյեմբերի 9-ի գիշերը, երբ հայտնի դարձավ դարաբայան պատերազմում հայկական կողմի պարտության եւ հրադարարի եռակողմ հայտարարության ստորագրման մասին, Երևանում անկարգություններ սկսվեցին, հարձակման ենթարկվեցին Ազգային ժողովի, կառավարության շենքերը: Այս գործով որոշ քաղաքացիներ ազատազրկման դատապարտվեցին, իսկ շատերի մասով ԱԱԾ-ում քննությունը շարունակվում է, եւ նախաքննական մարմինը նրանց մեծ մասի վերաբերյալ գործը կկարճի, քանի որ ապացույցները բավականին թույլ են. խմբով ծեծել են, բայց կոնկրետ ով պարզել չի հաջողվում»:

Եզրափակելով Չիչոյանների ընտանիքի մասին պատմող շարքը՝ այս անգամ հերթը Սերգեյ Չիչոյանին է: Սերգեյ Չիչոյանը Վճռաբեկ դատարանի հակակոռուպցիոն պալատի կոռուպցիոն հանցագործությունների քննության դատական կազմի դատավոր է, նաեւ Բարձրագույն դատական խորհրդի անդամ է: Ինչպես Չիչոյանի եղբայրը՝ Արմեն Չիչոյանը, ինքն էլ պակաս համբավ է կարիերա չունի: Չիչոյանը հայտարարագրել է 4 անշարժ գույք՝ 3 հողամաս եւ 1 անհատական բնակելի տուն: Հողամասերից մեկը եւ անհատական բնակելի տունը ձեռք է բերել 2015 թվականին. դրանք գտնվում են Երեւանի Դավիթաշեն վարչական շրջանում: Այդ ժամանակ Չիչոյանը եղել է ՀՀ արդարադատության խորհրդի անդամ: Մյուս 2 հողամասերը գտնվում են Գեղարքունիքի մարզի Շորժա համայնքում, որոնք ձեռք են բերվել 2007 թվականին, երբ եղել է Գեղարքունիքի մարզի առաջին աստիճանի դատարանի նախագահը: Չիչոյանը 5 անշարժ գույք է հայտարարագրել՝ 1 հողամաս, 1 ավտոտնակ, 1 անհատական բնակելի տուն, 2 հողին ամրակցված անշարժ գույք, որոնք գտնվում են Գավառ համայնքում. դրանք 90 օրից ավելի փաստացի տիրապետում է Չիչոյանը, սակայն սեփականության իրավունքով գույքերը նրան չեն պատկանում: Ուսումնասիրելուց հասկանում ենք, որ այս գույքը 2022 թվականին Չիչոյանի մայրը՝ Օֆիկ Չիչոյանը, նվիրատվություն է արել Սերգեյ Չիչոյանի որդուն՝ Գոռ Չիչոյանին: Չիչոյանը սեփական մեքենա չունի, սակայն շահագործում է 2011 թվականի արտադրության, Toyota մակնիշի մեքենա:



Շարունակությունը՝ ArmLur.am կայքում:

«Ժողովուրդ» օրաթերթը գրել էր, որ արդեն տեական ժամանակ է՝ Նիկոլ Փաշինյանը տեղափոխվել է նախագահական նստավայր եւ զբաղեցրել նախագահի աշխատասենյակը, քանի որ կառավարության շենքում հերթական վերանորոգում է իրականացվում: Հիշեցնենք, որ վերանորոգումը սկսվել է դեռեւս մայիս ամսից: «Ժողովուրդ» օրաթերթին կառավարությունից հայտնել էին, որ սեպտեմբերի 5-ին վերանորոգման աշխատանքները ավարտին հասցված կլինեն: Սեպտեմբերից արդեն մեկ ամսից ավել ժամանակ է անցել, բայց Նիկոլ Փաշինյանը դեռ հարմար տեղավորված է նախագահականում ու, կարծես, միտք էլ չունի իր աշխատավայր վերադառնալ, քանի որ նախագահականում ավելի պաշտպանված ու ապահով է իրեն զգում: Պատճառն էլ այն է, որ թե՛ ընդդիմադիրները, թե՛ տեղահանված արցախցիները, թե՛ այս իշխանություններից դժգոհ քաղաքացիները, սովորաբար, իրենց ակցիան իրականացնում են կառավարության դիմաց ու խաթարում են նրա անդրորդը: «Ժողովուրդ» օրաթերթին կառավարությունից հայտնեցին, որ Փաշինյանն իր գործառնությունները դեռ նախագահականից է իրացնում: Հետաքրքրվեցինք նաեւ՝ երբ է Նիկոլ Փաշինյանը պատրաստվում վերադառնալ իր հիմնական նստավայր, արդյոք վերանորոգումները դեռ չեն ավարտվել: «Դեռ նախագահականում է, բայց մոտ օրերս արդեն հիմնական կտեղափոխվի կառավարություն»-ասացին մեզ կառավարությունից: Տպավորություն է, որ Նիկոլ Փաշինյանն արդեն հարմարվել է Վահագն Խաչատրյանի նստավայրում ու ձգձգում է իր տեղափոխումը, ինչը, բնականաբար, նախագահի սրտով չէ, քանի որ Փաշինյանի պատճառով ինքը «դրսում» է մնացել:



Երկու շաբաթ է անցել, սակայն ՀՀ բարձրագույն դատական խորհրդի գիտնական անդամի տեղը շարունակում է թափուր մնալ: «Ժողովուրդ» օրաթերթի տեղեկությունների համաձայն՝ քաղաքական իշխանությունները եւ ԲԴԽ-ն չեն կարողանում գտնել գիտնական անդամի, որ նրան ներկայացնեն ԱԺ ու ընտրեն խորհրդի անդամ: Ինչպես հայտնի է, հոկտեմբերի 25-ին Հակակոռուպցիոն կոմիտեի նախագահ Սասուն Խաչատրյանի եղբայրը՝ ՀՀ բարձրագույն դատական խորհրդի անդամ Դավիթ Խաչատրյանը, ՀՀ ԱԺ-ի կողմից ընտրվեց Վճռաբեկ դատարանի քրեական պալատի դատավոր, իսկ ԲԴԽ անդամ Նաիրա Հովսեփյանը՝ Վճռաբեկ դատարանի քաղաքացիական պալատի դատավոր: Հիշեցնենք, որ Բարձրագույն դատական խորհուրդը Վճռաբեկ դատարանի քաղաքացիական պալատի դատավորի թափուր տեղի համար առաջադրել էր Կարեն Թումանյանի, Նաիրա Հովսեփյանի եւ Գուրգեն Մալխասյանի թեկնածությունները: Բարձրագույն դատական խորհուրդը քրեական պալատի դատավորի թափուր տեղի համար առաջադրել էր Դավիթ Խաչատրյանի, Անահիտ Հակոբյանի եւ Մանվել Շահվերդյանի թեկնածությունները:



ԶՐՈՒՅՑ

«ՄԱՅՐ ՀԱՅԱՍՏԱՆ»-Ն ՈՒ ՔԱՂԱՔԱՊԵՏԻ ԸՆՏՐՈՒԹՅՈՒՆՆԵՐԸ

Հոկտեմբերի 10-ին Երևանի ֆաղափառաբանական թեմայի Սիգրան Ավինյանը արտահերթ հրավիրված ավագանու նիստում ընթացիկ Երևանի ֆաղափառաբանական թեմայի արդյունավետության արդյունքները և ընդդիմության քայլերի մասին «Ժողովուրդ» օրաթերթը զրուցել է Երևանի ավագանու «Մայր Հայաստան» խմբակցության անդամ Սոնա Աղեկյանի հետ:



Նշենք, որ նա միակ թեկնածուն էր, եւ, ըստ օրենքի, նրան ընտրվելու համար բավարար էր անգամ 27 ձայնը:

Քաղաքապետի ընտրության արդյունքների եւ ընդդիմության քայլերի մասին «Ժողովուրդ» օրաթերթը զրուցել է Երևանի ավագանու «Մայր Հայաստան» խմբակցության անդամ Սոնա Աղեկյանի հետ:

«Ձեր խմբակցությունը եւ ընդդիմադիր թեկնածուները եկող «Ազգային առաջընթաց»-ը հայտարարել են, որ չեն մասնակցելու քաղաքապետի ընտրության օրակարգով ավագանու նիստերին: Չնայած սրան՝ իշխանությանը հաջողվեց մյուս ուժերին իր կողմը գրավել, նիստ արեցին, քաղաքապետ ընտրեցին: Ինչու՞ ձեր բոլորը արդյունք չտվեց, ի՞նչն էիք սխալ հաշվարկել:

«Իշխող ուժը, ունենալով բոլոր հնարավորություններն ու բոլոր լծակները վերարտադրվելու, Հայաստանի Հանրապետությունն ամբողջությամբ տանելու դեպի թրջահպատակացում, ինչպես որ մեր սուրբ Արցախը կարողացան հնարավորինս սեղմ ժամկետներում դարձնել արդյունավետության տարածք, նույն քայլերն այսօր արվում է Հայաստանի Հանրապետությունում, եւ բացառություն չի կազմում Հայաստանի Հանրապետության մայրաքաղաքը՝ Երևանը: Մայրաքաղաքում Երևանի ավագանու ընտրությունների քարոզարշավի ընթացքում «Մայր Հայաստան» դաշինքը բավարար խոսում էր, բարձրաձայնում էր, որ Արցախը չպետք է կորցնենք, քանի որ Ար-

ցախը մայր Հայաստանի դարպասն է ու հենասյունը, եւ Արցախը պետք է կարողանանք պաշտպանել՝ Հայաստանի Հանրապետության մայրաքաղաքում թույլ չտալով իշխող այս ուժի վերարտադրումը: Սակայն, ի պատիվ մեր հայրենակիցների՝ Երևանցիների, պետք է փաստենք, որ ընդհանրապես 9%-ը քվեարկության օրը իրենց վստահության քվեն պարտադրված տվեց իշխող ուժին: Միգուցե նրանք վարչական աշխատողներ էին, որոնք պարտավոր էին այդ քայլին գնալու, բայց վստահ եմ, որ նրանք մեջ էլ կան այնպիսի հայեր, ովքեր գիտակցում են իրականությունը: Միգուցե շատերը ճիշտ ընտրություն են արել, բայց այդ ինը տոկոսը սրանց վստահության քվե տվեց, ինչը թույլ չէր տալիս իշխող ուժին

ունենալ իշխանություն մայրաքաղաքում:

Այս պարագայում երեք ընդդիմադիր կոչվող ուժերը (ինչո՞ւ եմ ասում կոչվող, քանի որ մենք տեսանք, որ կար խմբակցություն, որն, ամեն դեպքում, իշխող ուժի օրակարգի մասնակիցը եւ նրանց վերարտադրման աջակիցը դարձավ), այդ թվում՝ մենք, հայտնեցինք մեր դիրքորոշումը՝ սեպտեմբերի 18-ին հրավիրված մամուլի ասուլիսի ժամանակ հնչեցնելով բոլոր այն կետերն ու գծերը, որոնք վերաբերում են Երևանի ավագանու ընտրություններին, կոնկրետ՝ քաղաքապետի ընտրությանը:

Զրույցն ամբողջությամբ՝ ArmLur.am կայքում
Զրուցեց ՔՐԻՍՏԻՆԱ ՍՈՒՇԵՂՅԱՆԸ



ՔՊ-Ն ԱՅՍՕՐ «ԵՌԱԲԼՈՒՐ» ՉԻ ԱՅՑԵԼԵԼՈՒ



Այսօր նոյեմբերի 9-ն է՝ 2020 թվականի 44-օրյա պատերազմի 3-րդ տարեկիցը:

Այս օրը հայոց օրացույցում սեղմ է նշված: Երեք տարի առաջ այս օրը ստորագրված Հայաստան-Ռուսաստան-Ադրբեջան եռակողմ համաձայնագրի արդյունքում Արցախի մեծ մասը մնաց թշնամուն, իսկ այսօր արդեն հայերի պատմական բնօրրան Արցախն ամբողջությամբ կորսված է ու հայաթափված:

Իշխող «Քաղաքացիական պայմանագիր»-ը, Նիկոլ Փաշինյանի գլխավորությամբ, սովորաբար, նոյեմբերի 9-ին այցելում էր «Եռաբլուր» գինվորական պանթեոն՝ հարգանքի տուրք մատուցելու մեր նահատակների հիշատակին:

«Ժողովուրդ» օրաթերթը տեղեկացավ, որ այսօր ՔՊ խմբակցությունը չի պատրաստվում գնալ «Եռաբլուր»:

Ինչպես մեզ փոխանցեցին՝ հնարավոր է՝ առանձին պատգամավորներ գնան, բայց խմբակցությունն այսօր այց չի նախատեսում «Եռաբլուր»:

ՔՆՆԱՐԿԵԼ ԵՆ ԱՆՎՏԱՆԳՈՒԹՅԱՆ ՀԱՐՑԵՐ

Հայաստանի անվտանգության խորհրդի քարտուղար Արմեն Գրիգորյանը նոյեմբերի 8-ին ընդունել է ԱՄՆ Կոլկասյան բանակցությունների հարցերով ավագ խորհրդական, ԵԱՀԿ Մինսկի խմբի ամերիկացի համանախագահ Լուիս Բոնոյին: «Ժողովուրդ» օրաթերթի փոխանցմամբ՝ այս մասին հաղորդագրություն է տարածել ՀՀ անվտանգության խորհրդի գրասենյակը:

Կողմերն անդրադարձ են կատարել տարածաշրջանում տեսական խաղաղության եւ կայունության հաստատման ուղղված ջանքերին եւ Հայաստան-Ադրբեջան հարաբերությունների կարգավորման գործընթացին: Վերոնշյալի շրջանակներում Ան քարտուղար Արմեն Գրիգորյանը ներկայացրել է հայկական կողմի դիրքորոշումները:

Զրուցակիցները նաեւ քննարկել են երկկողմ հետաքրքրություն ներկայացնող այլ հարցեր:

ՔԱՂԱՔԱՊԵՏԱՐԱՆ

ՄԱՐՈՒԹՅԱՆԻ ԱՌԵՂԾՎԱԾԸ

Նախկին քաղաքապետ, դերասան Հայկ Մարությանն իր մոտ ներկայացումով նախ հայտ ներկայացրեց սեպտեմբերի 17-ին կայանալիք Երևանի ավագանու ընտրություններին: Դերասան-քաղաքապետն իր սրտառուչ հայտարարություններով փորձեց երեւանցիների սիրտը շահել. «Ինձ պետք է, որ երկիրը ծաղկի, հասարակությունը դուրս գա ապատիայից: Եթե դա մենք չանենք, ապա անելու են մարդիկ, որոնք առաջնորդվում են միայն իրենց սեփական եւ խմբակային շահերով, ովքեր թքած ունեն մարդկանց վրա, եւ արդեն ոչ միայն փոխաբերական, այլեւ ուղիղ իմաստով: Հետեւաբար հայտարարում եմ իմ թիմի հետ մասնակցելու եմ ավագանու առաջիկա ընտրություններին: Մեր թիմը չունի մեծ գումարներ, լրատվամիջոցներ, օլիգարխներ, մեր միակ հարստությունը դուք եք, երեւանցիներ: Միակ որոշողը դուք եք: Մենք միասին ամեն ինչ կարող ենք»,- հայտարարել էր Մարույանը:



Թվում էր, թե ընդդիմադիր դաշտում նրա թեկնածության շուրջ կունտրիդացիա է ձեւավորվում, նա սկսեց նոր նախապայմաններ առաջ քաշել եւ ծախողեց այդ գործընթացը: Հիմա էլ Հայկ Մարույանը չի կողմնորոշվում. վերցրել է ավագանու անդամի մանդատը, բայց չի գալիս քաղաքապետարան ու չի մասնակցում ավագանու նիստերին, այսպես ասած, ընդհատակ է անցել:

Ստացվում է՝ նախկին քաղաքապետ Մարույանը միայն ականջահաճո հայ-

տարարություններ է անում ու անհետանում, բայց իրական պայքարի ու հստակ քայլերի պատրաստ չէ:

ՔԱՎՈՐ-ՄԱՆԻԿ ՀԱՐԱԲԵՐՈՒԹՅՈՒՆՆԵՐ

Մալաթիա-Սեբաստիա վարչական շրջանի դեպքերով «խառը» պարոն Բարխուդարյանը, որը բերման էր ենթարկվել իր թիմակիցների հետ գնումների գործընթացը չարաշահելու կասկածանքով, ավելի ուշ ստորագրությամբ բաց թողնվեց, դեռ մի բան էլ սկսեց ՔՊ-ականների քեֆ-ուրախություններին մասնակցել:

Այն, որ Բարխուդարյանը ՔՊ-ականների ոչ ծայրայղ հովանավորյալն է, դա մեկ կամ մի քանի հոգի չէ, որ հայտնում են, սակայն թե ինչ է կատարվում այս պատմության հետեւում, իրականում բավականին հարցականներով լի է:

«Ժողովուրդ» օրաթերթին հայտնի դարձավ, որ պարոն Բարխուդարյանը, փաստորեն, ոչ միայն Ավինյանի եւ Կատվայանի ընկերն է, ոչ միայն Ռուբեն Ռուբինյանի հավատարիմն է, այլ, պարզվում է, քավոր-սանիկական հարաբերությունների մեջ են:

Ռուբեն Ռուբինյանը Արման Բարխուդարյանի երեխայի քավորն է, եւ, հավանաբար ու բնականաբար, ինչպես հայկական սովորություններն են ենթադրում, քանի քավորը կա, սանիկը ոչ մի «պորբլեմ» չպետք է ունենա:

ՄԱՆՐԱՄԱՆԵՐ

Ո՞Վ ԷՐ ՎԹԱՐԻՑ ՄԱՐԱՑԱԾ ՎԱՐՈՐԴԸ

Երեկ Երևանում ողբերգական վթարից մահացած՝ «ՎԱԶ 2101»-ի վարորդը «Հարսնախմբի» ռեստորանային համալիրում դաժան ծեծի հետևանքով 2012թ.-ին մահացած ռազմական բժիշկ Վահե Ավետյանի հայրն է՝ Գառնիկ Ավետյանը:

Ի դեպ, «Ժողովուրդ» օրաթերթին հասած լուրերի համաձայն՝ նրա մեքենային հարվածած Nissan Rogue-ի վարորդը եղել է կին, որը, ըստ լուրերի, անգամ զրկված է եղել վարորդական իրավունքի վկայականից:

Shamshyan.com-ը գրել է, որ Նոյեմբերի 8-ին խոշոր ու ողբերգական ավտովթար է տեղի ունեցել Երեւանում: Ժամը 07:10-ի սահմաններում 33 ներքին գործերի նախարարության փրկարար ծառայության 9-11 ճգնաժամային կառավարման ազգային կենտրոնն ահազանգ է ստացվել, որ Կարապետ Ուլնեցի-Պարույր Սեւակ փողոցների խաչմերուկում ավտովթար է տեղի ունեցել, եւ կան տուժածներ:

Ինչպես դեպքի վայրից հայտնում է ֆոտոլրագրող Գագիկ Շամշյանը, օպերատիվորեն ժամանել է Երեւանի թիվ 5-րդ հրշեջ-փրկարարական ջոկատից 1 մարտական հաշվարկ:

Վթարի հետևանքով 3 հոգի՝ տարբեր աստիճանի մարմնական վնասվածքներով, տեղափոխվել են 1 հոգի Միքայելյան վիրաբուժության ինստիտուտ, 2 հոգի՝ Քանաքեռ-Զեյթուն բժշկական կենտրոն:

Վիրավորներից 2-ին դուրս են բերել ավտոմեքենաներից եւ պատգարակներով մոտեցրել 2 տապօգնության ավտոմեքենաներին:



Պարզվել է, որ բախվել են Nissan Rogue եւ «ՎԱԶ 2101» մակնիշի ավտոմեքենաները, որից հետո Nissan-ը բախվել է ճանապարհի թույլատրելի հատվածում կայանված Volkswagen Passat-ին, վերջինս էլ, առաջ ընթանալով, բախվել է ճանապարհի թույլատրելի հատվածում կայանված Nissan X-Trail-ին: Մինչ դեպքի վայրում աշխատում էր քննչական խումբը, հիվանդանոցից ուստիկանության օպերատիվ կառավարման կենտրոնն ահազանգ է ստացվել, որ վիրավորներից

մեկը, գիտակցության չգալով, մահացել է: Ֆոտոլրագրողի տեղեկություններով՝ մահացածը «ՎԱԶ 2101»-ի վարորդն է եղել: Եվ, ահա, Երեւանում ողբերգական վթարից մահացած «ՎԱԶ 2101»-ի վարորդը «Հարսնախմբի» ռեստորանային համալիրում դաժան ծեծի հետևանքով 2012թ.-ին մահացած ռազմական բժիշկ Վահե Ավետյանի հայրն է՝ Գառնիկ Ավետյանը: Նշենք, որ Վահե Ավետյանի մայրն էլ մահացել է անցած տարի:

ՔՍՈՐ ՄԱՆՈՒԿՅԱՆ

ՀԱՅՏՆԵՑ

ՆՈՐ ՊԱՇՏՈՆ ԿՍՏԱՆԱ



Երեկ Բարձրագույն դատական խորհուրդը հայտնեց, որ Նոյեմբերի 6-ին որոշում է ընդունել, որում ասվում է. «2023 թվականի Նոյեմբերի 6-ին, ղռնփակ նիստում քննարկելով Վերաքննիչ քրեական դատարանի դատավորի պաշտոնի թափուր տեղը համալրելու նպատակով վերաքննիչ դատարաններում դատավոր նշանակվելու համար առաջադրված ենթակա դատավորների թեկնածուների ցուցակի՝ քրեական մասնագիտացման բաժնում ընդգրկված անձի թեկնածությունը եւ ղեկավարվելով Հայաստանի Հանրապետության Սահմանադրության 175-րդ հոդվածի 1-ին մասի 2-րդ կետով, «Հայաստանի Հանրապետության դատական օրենսգիրք» սահմանադրական օրենքի 94-րդ հոդվածի 1-ին եւ 5-րդ մասերով, 89-րդ հոդվածի 1-ին մասի 9-րդ կետով, 125-րդ հոդվածի 1-ին մասի 1-ին կետով, 129-րդ եւ 117-րդ հոդվածներով՝ Բարձրագույն դատական խորհուրդը որոշում է՝

1. Հանրապետության նախագահին առաջարկել Վաչե Վանիկի Մարգարյանի թեկնածությունը՝ Վերաքննիչ քրեական դատարանի դատավորի պաշտոնի թափուր տեղում նշանակելու համար:

2. Սույն որոշման 1-ին կետով ներկայացված առաջարկի վերաբերյալ «Հայաստանի Հանրապետության դատական օրենսգիրք» սահմանադրական օրենքի 117-րդ հոդվածով սահմանված կարգով Հանրապետության նախագահի հրամանագրին ուժի մեջ մտնելու պահից Վաչե Վանիկի Մարգարյանին հանել վերաքննիչ դատարաններում դատավոր նշանակվելու համար առաջադրված ենթակա դատավորների թեկնածուների ցուցակից, ինչպես նաեւ Վաչե Վանիկի Մարգարյանի՝ Երեւան քաղաքի առաջին ատյանի ընդհանուր իրավասության քրեական դատարանի դատավորի լիազորությունները համարել դադարած:

3. Սույն որոշումն ուժի մեջ է մտնում հրապարակմանը հաջորդող օրվանից»:

Հիշեցնենք, որ դատավոր Մարգարյանի անունը շոշափվում էր ԱԱԾ նախկին տնօրեն Արթուր Վանեցյանի եւ Հակակոռուպցիոն կոմիտեի նախագահ Սասուն Խաչատրյանի հեռախոսագրույցում, քանի որ նա է բավարարել ՀՀ երկրորդ նախագահ Ռոբերտ Քոչարյանի նկատմամբ կալանքը որպես խափանման միջոց կիրառելու միջնորդությունը:

Հիշեցնենք, որ դատավոր Մարգարյանը հայտարարություն էր տարածել՝ ասելով, որ ինքը երբեք չի գանգալ ԱԱԾ պետին, ու դա ասում է ամենայն պատասխանատվությամբ:

ՔՍՈՐ ՄԱՆՈՒԿՅԱՆ

ԿԱՐԵՎՈՐ

ԴԱՏԻ Է ՏՎԵԼ ԴԱՏԱԽԱՋԻՆ

Ֆինանսների նախկին նախարար Վարդան Խաչատրյանի դատախազ եղբայրը դատի է տվել գլխավոր դատախազ Աննա Վարդապետյանին: Վերջինս, դիմելով ՀՀ վարչական դատարան, պահանջում է, որ Աննա Վարդապետյանի 07.08.2023 թ. թիվ 366-Ա հրամանը (այն է՝ հայցվորին ՀՀ գլխավոր դատախազության բնակչության առողջության դեմ ուղղված հանցագործությունների գործերով վարչության պետի տեղակալի պաշտոնից ազատելու փոխարեն՝ նշել վերջինիս Երեւան քաղաքի Մալաթիա-Սեբաստիա վարչական շրջանի դատախազի պաշտոնից ազատելու մասին) փոփոխելու պարտավորեցնել:

Օգոստոսի 10-ին դատախազությունը հայտնեց, որ ՀՀ գլխավոր դատախազ Աննա Վարդապետյանը օգոստոսի 7-ին հրաման է ստորագրել, որով պաշտոնից ազատել է Բնակչության առողջության դեմ ուղղված հանցագործությունների գործերով վարչության պետի տեղակալ Սիսակ Խաչատրյանին:

Նշենք, որ նա ֆինանսների նախկին նախարար Վարդան Խաչատրյանի եղբայրն է, եւ դեռ ավելին՝ նրա մասին անգամ հրապարակային հայտարարել էր դեռ սան Մարկ Սաղաթեյանի այրին՝ Նունե Միքայելյանը, եւ հայտնել, որ անելանելի վիճակում է հայտնվել. «Կարեն Մանուկյանը, որն Արաբկիրի դատախազ Սիսակ Խաչատրյանի կնոջ՝ Լուսինե Մանուկյանի եղբայրն է, իր կնոջ՝ Լուիտա Մանուկյանի



հետ ինձնից հետ վերադարձնելու պայմանով վերցրել են 141 հազար ԱՄՆ դոլար, որից հետո Երեւան քաղաքի Վահագնի թաղամասում իրենց բնակարանը ինձ վաճառելու պատրվակով կրկին վերցրել են 100 000 դոլար, սակայն բնակարանը չեն վաճառել, եւ այդ գումարներից վերադարձրել են ընդամենը 74 000 ԱՄՆ դոլարը»:

Նունե Միքայելյանը նշել էր, որ մտավախություն ու կասկածներ ունի, թե գործում խառնված է Արաբկիրի դատախազ Սիսակ Խաչատրյանը եւ փորձում է օգնել իր մտերիմներին, որ չպատժվեն. «Ես այլ ելք չունեի, այս մասին բարձրաձայնում եմ, որ իրավապահ մարմինները այսլուրջ լինեն եւ քրեական գործը ծածկադիպից չանեն»:

ՔՍՈՐ ՄԱՆՈՒԿՅԱՆ

ԳՈՐԾԸ ԿԱՐՃՎԵՑ

Փաստաբան Արսեն Սարգսյանը գրում է, որ 2020թ. հոկտեմբերի 7-ին իրականացված հակահարձակման դրվագով հանրային քրեական հետապնդումը ՊԲ նախկին հրամանատար Ջ. Հարությունյանի նկատմամբ դադարեցվեց՝ արդարացնող հիմքով: Շուրջ 306-էջանոց ռազմագիտական հանձնաժողովային փորձագիտական եզրակացությամբ թվով 11 փորձառու ռազմագետների կողմից միակարծիք փաստվեց, որ Ջ. Հարությունյանի գործողություններում հակահարվածի դրվագով հանցակազմ չկա:

Հիշեցնենք, որ «Ժողովուրդ» օրաթերթն ավելի վաղ գրել էր, որ վերոհիշյալ գործը կարճվելու է:

● Ըստ ոստիկանության տվյալների՝ Նոյեմբերի 7-ից 8-ը Հայաստանի Հանրապետությունում բացահայտվել է հանցագործության 88 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԻՆԶԵՎ ՎԵՐՋ ՊԱՅՔԱԲԵԼՈՒ Է

Իջեանի դենդրոպարկը ստեղծվել է 1960 թվականին կենսաբանական գիտությունների թեկնածու Լյուդվիգ Սայադյանի կողմից, որը երկար տարիներ տնօրինել է դենդրոպարկը: Սայադյանը ընտանիքի երեք սերունդներն իրենց աշխատանքով, քրտինքով, ֆինանսական միջոցներով զարգացրել, հարստացրել են դենդրոպարկը, ավելացրել այգու տեսակներին: Լյուդվիգ Սայադյանի որդին՝ Իջեանի դենդրոպարկի երկարամյա տնօրեն, այժմ աշխատանքից ազատված Մելայկ Սայադյանը, մտադիր է դենդրոպարկը փրկելու համար մինչև վերջ պայքարել: Նա հայտնեց, որ Իջեանի գիտու, կոնյակի գործարանի տերերը Իջեանի դենդրոպարկի (բուսաբանական այգու) ոռոգման համակարգն ավերել են, Աղստե գետի հունը ավերել են 800 մետր երկարությամբ, մոտ 50 հազար խորանարդ մետր հող են հանձնել Աղստե գետին, այդքան հող գետի հոսքով գնացել է Ադրբեջան, դենդրոպարկի տարածքում մոտ 1500 ծառ ու թուփ է չորացել, դենդրոպարկի արժեքավոր եւ հազվագյուտ հավաքածուից 250 տեսակ վերացել է, 24 հազար տնկի է չորացել, ծառայու տարածքից 5,7 հեկտար ապօրինի խել, տվել են պետությանը եւ բնությանը տասնյակ միլիարդների դրամ վնաս հասցրած Իջեանի գիտու, կոնյակի գործարանին, դենդրոպարկի բոլոր 4 աշխատողներին աշխատանքից ազատել են, օրենքներ են խախտել, պետության սեփականությունը հանդիսացող ունեցվածքը եւ գույքը անտեր թողել:

Նա ասաց, որ «Արգելափակում պարկային համալիր» ՊՈԱԿ-ի տնօրինությունը Իջեանի բուսաբանական այգին վերացնում է, պատրաստվում է նաեւ Ստեփանավանի դենդրոպարկը վերացնել: Մ. Սայադյանի վկայությամբ՝ 2023 թ. հուլիսի 6-ից մինչև հիմա Իջեանի դենդրոպարկի վերաբերյալ իր պատրաստած խիստ քննադատական տեսանկյունները համացանցում մոտ 200 հազար դիտումներ են ունեցել: Մ. Սայադյանը հայտնեց. «Ես պայքարել եմ պայքարելու եմ, մինչև չվերականգնվի այգուս կոլեկցիան, չվերականգնվեն պետությանը եւ ընտանիքիս հասցված վնասները, մինչև չվերականգնվեն իմ եւ աշխատակիցներիս իրավունքներն ու հասցված վնասները: Հասնելու եմ նաեւ հորս, իմ, եւ տղայիս մտավոր սեփականությունների գնահատմանը»:

ԵՐԿԻՇԻԱՆՈՒԹՅՈՒՆ՝ ԳՊՐՈՑՆԵՐՈՒՄ

Տավուշի մարզպետ Հայկ Ղալումյանի որոշումներով՝ մարզի Նավուրի, Դեբեդավանի, Այգեձորի հանրակրթական դպրոցներում նշանակվել են վարչատնտեսական մասի համակարգողներ: Այդ համակարգողները կառավարելու են դպրոցների ֆինանսական, նյութական ռեսուրսները, իսկ դպրոցների տնօրենները ղեկավարելու են աշակերտների կրթական, դաստիարակչական, աշխատանքները, մասնավորապես կոլեկտիվը: Հանրակրթական դպրոցներում, փաստորեն, սահմանվում է երկիշխանություն:

ՈՍԿԱՆ ՄԱՐԶԱՆ Տավուշ

ՓՈՓՈԽՈՒԹՅՈՒՆՆԵՐ

ՀՍՏԱԿԵՑՎԵԼ Է ԸՆԴՊԵՐԿԵԼՈՒ ԿԱՐԳԸ

«Ժողովուրդ» օրաթերթի սեղելություններով՝ Հայաստանի Հանրապետության կրթության, գիտության, մշակույթի եւ սպորտի նախարարի հրամանով փոփոխություններ են կատարվել Գորոզական սարիի երեխաներին հանրակրթության մեջ ընդգրկելու, սահմանված ժամկետից ու հանրակրթության մեջ ընդգրկվող երեխաների կրթության կազմակերպման եւ հանրակրթական ուսումնական հաստատությունից սովորողին այլ ուսումնական հաստատություն սեղավորելու եւ ազատելու կարգում:



«Ժողովուրդ» օրաթերթի փոխանցմամբ՝ այս մասին հայտնում են ԿԳՄՍ նախարարությունից, հիշեցնելով, որ նախորդ կարգավորմամբ՝ դպրոցին լիցենզիայով տրված տեղերում փոփոխության առաջարկի համար սահմանված էր ժամկետ՝ մինչև տվյալ տարվա մայիսի 20-25-ը, որի ընթացքում տնօրենները կարող էին դիմել լիազոր մարմնին՝ հիմնավորելով լիցենզիայով տրված տեղերի ավելացման պահանջը, սակայն այս ժամկետը հնարավորություն չէր տալիս փոփոխություններ կատարել ավելի ուշ, երբ դպրոցի համար հայտագրված սովորողների թիվը հստակ էր: Նոր կարգավորմամբ կրթության կառավարման պետական լիազոր մարմնին հանրակրթական հիմնական ծրագրերի առաջին աստիճանի լիցենզիայով տրված սահմանային տեղերի վերաբաշխման առաջարկի ներկայացման ժամկետ է սահմանվել մայիսի 20-25-ը եւ օգոստոսի 20-25-ը առաջին դասարանի ընդունելության տեղերի հատկացման նպատակով: Ժամկետը երկարաձգվել է, քանի որ այդ ժամանակահատվածում տնօրենները հստակ գիտեն՝ տարրական օղակում լիցենզիայով սահմանված որքան տեղեր կարող են ավելացնել: Կարգավորված չէր նաեւ առաջնահերթություններ ունեցող սովորողներին հաստատություն լիցենզիայով սահմանված տեղերի շրջանակում ընդգրկելու հարցը: Ավելացվել է դրույթ, որի համաձայն՝ առաջնահերթություն ունեցողները կարող են հաստատություն ընդունվել, եթե դպրոցը լիցենզիայով սահմանված տեղեր ունի՝ բացառությամբ այն դեպքի, երբ տվյալ հաստատությունը բնակավայրում միակը չէ, կամ բնակավայրում գործող բոլոր ուսումնական հաստատությունների՝ տվյալ կրթական մակարդակի համար լիցենզիայով տրված սահմանային տեղերը ազատ չեն:

«Ժողովուրդ» օրաթերթը հայտնում է, որ հաջորդ փոփոխությունը կապված է հանրակրթության մեջ ժամկետից ուշ սովորողի ընդգրկման հետ, ըստ որի՝ մինչև տառապանք լիցենզիայով սահմանված տեղերի 31-ը 8 տարին ներառյալ լրանալու դեպքում երեխան հաճախում է տարիքային խմբին համապատասխան դասարան՝ նախորդ կարգավորմամբ գործող 1-ին դասարանի փոխարեն: Ներկայում քուլտուրային կամ ուսումնարանի սովորողը ցանկացած դասարանում եւ ցանկացած պահի կարող է տեղափոխվել դպրոց, որը լրացուցիչ խնդիրներ է առաջացնում ուսումնական նյութի յուրացման եւ ուսումնական գործընթացում ընդգրկվելու տեսանկյունից, ինչից ելնելով՝ հստակեցվել են նաեւ քուլտուրային կամ ուսումնարանից հանրակրթական ուսումնական հաստատություն աշակերտների տեղափոխման հետ կապված հարցերը:

ԱՆՑՈՒԴԱՐՁ

ՏԱՊԱՎԱԾ ԴԱՍԱԳՐՔԵՐԻ ԲՈՎԱՆԴԱՆՈՒԹՅՈՒՆԸ

«Ժողովուրդ» օրաթերթը պարբերաբար ահազանգներ է ստանում, որ ԿԳՄՍ նախարարությունը, տապալելով գրքերի տպագրությունները, տապալել է նաեւ դրանց բովանդակային հատվածը: «Ժողովուրդ» օրաթերթին դիմած ծնողները փաստում են, որ 9-րդ դասարանի «Հասարակագիտություն» առարկայի դասագրքում 15-16 տարեկան երեխաների համար նախատեսված է վերլուծության ձևեր: Ծնողների բողոքի մեխն այն է, որ նրանց համար անհասկանալի է, թե ինչ է պահանջվում անել, եւ ինչ կապ ունեն «Տպագիր աղբյուրներից տեղեկույթի վերլուծության ձևը» առարկայի հետ:

Այս դասագիրքը նոր չէ, իրապես այս դասագիրքը տպագրվել է հրատարակվել է 2014 թվականին: Գիրքը երաշխավորված է նախկին Կրթության եւ գիտության նախարարության կողմից: Գրքում հանդիպում են քաղաքական ենթատեքստերով վերլուծություններ ենթադրող առաջադրանքներ, ինչն էլ բողոքի ալիք է բարձրացրել:

Կա 2014 թվականին հրատարակված 2 դասագիրք, որոնք այն ժամանակ երաշխավորվել էին Կրթության եւ գիտության նախարարության կողմից: Դասագրքերի բովանդակությունները եւ հեղինակները տարբեր են, եւ ընտրությունը, ինչպես միշտ, թողնվել է դպրոցի վրա, ինչպես նոր տպագրված դասագրքերի դեպքում: Այսինքն՝ ամեն նոր տպագրվող դասագիրք ունի նաեւ մեկ այլ հեղինակի կողմից ստեղծված եւ նախարարության կողմից հաստատված օրինակ, եւ դպրոցը կարող է դրանց մեջ ընտրություն կատարել: Հիշեցնենք նաեւ, որ նոր տպագրված դասագրքերի ցանկում են 2-րդ, 5-րդ եւ 7-րդ դասարանի դասագրքերը, որոնց վերաբերյալ ստացած բողոքներին «Ժողովուրդ» օրաթերթը պարբերաբար անդրադարձել է եւ անդրադառնում է:

ՀՄՄՍ ՄԻՋԱՅԵԼՅԱՆ

ԱՄԵՆԱՏԱՐ ԱՇՈՒՆՆԵՐԻՑ

Աշխարհում այս տարվա հոկտեմբերը դարձել է ամենատաքը եղանակի դիտարկումների ամբողջ պատմության ընթացքում:

● Անցած 1 օրվա ընթացքում Հայաստանի Հանրապետությունում արձանագրվել է 12 ՃՏՊ. 3 մարդ զոհվել է, 16-ը՝ ստացել տարբեր աստիճանի մարմնական վնասվածքներ:




Էջը՝ ՄԱՐԻԱՍ ՂԱԶԱՐՅԱՆԻ

ԱԿՏԵՐ

ՀԱՐՑ. Վարչական ակտերը ո՞ր դեպքում եւ ի՞նչ ժամկետներում են ներկայացվում հարկադիր կատարման:

Մանուկ Արսենյան (26 տարեկան)



ՊԱՏԱՍԽԱՆ. Դրամական պահանջները ներկայացվում են հարկադիր կատարման «Վարչարարության հիմունքների եւ վարչական վարույթի մասին» ՀՀ օրենքի 88-րդ հոդվածին համապատասխան վարչական ակտն անբողոքարկելի դառնալուց հետո՝ եռամսյա ժամկետում, իսկ վարչական ակտի կատարումը հետաձգելու կամ տարաժամկետելու դեպքում՝ հետաձգելու կամ տարաժամկետելու ժամկետի ավարտից հետո՝ եռամսյա ժամկետում:

Հարկադիր կատարումն ապահովող ծառայություն

«ԺՈՂՎՈՒՐԳ». «Վարչարարության հիմունքների եւ վարչական վարույթի մասին» ՀՀ օրենքի 71-րդ հոդվածի համաձայն՝ վարչական ակտը, որպես ընդհանուր կանոն, դառնում է անբողոքարկելի այն ուժի մեջ մտնելուց հետո՝ 2 ամսվա ընթացքում, վարչական բողոք չներկայացնելու դեպքում:

«Վարչարարության հիմունքների եւ վարչական վարույթի մասին» ՀՀ օրենքի 72-րդ հոդվածի համաձայն՝ վարչական ակտը դառնում է անբողոքարկելի այն ուժի մեջ մտնելուց հետո՝ 2 ամսվա ընթացքում, վարչական բողոք չներկայացնելու դեպքում:

ՎԻՃԱ

ՀԱՐՑ. Ինչպե՞ս ձեռք բերել ՀՀ մուտքի վիզա: Արսեն Սեդյան (33 տարեկան)



ՊԱՏԱՍԽԱՆ. Սիրիայի՝ ազգությամբ հայ քաղաքացիները կարող են ձեռք բերել ՀՀ մուտքի վիզա առանց հրավերի: ՀՀ պետական սահմանի անցման կետերում վիզաները տրվում են ՀՀ ոստիկանության անձնագրային եւ վիզաների վարչության ստորաբաժանման կողմից:

ՀՀ արտաքին գործերի նախարարություն

«ԺՈՂՎՈՒՐԳ». Սիրիահայերն ազատվում են վիզաների համար վճարումներից:

ԼՈՒՐ ԿԱԴՐ

Լուսանկարը՝ համացանցից



Լոնդոնի ոստիկանությունը մեղադրանք է առաջադրել Just Stop Oil բնապահպանական շարժման մասնակիցներին, որոնք Նոյեմբերի 6-ին Լոնդոնի Ազգային պատկերասրահում վնասել են իսպանացի նկարիչ Դիեգո Վելասկեսի (1599-1660) «Հայելիով Վեներան» նկարի պաշտպանիչ ապակին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-2 + 2 +12 + 16	Արարատ	+3 + 7 +18 + 20
Կոտայքի լեռներ	-2 + 1 +11 + 16	Արմավիր	+2 + 5 +17 + 19
Կոտայքի նախալեռներ	+4 + 6 +16 + 18	Վայոց ձորի լեռներ	-1 + 1 +9 + 13
Գեղարքունիք	-2 + 2 +9 + 13	Վայոց ձորի նախալեռներ	+3 + 7 +17 + 20
Լոռի	-2 + 3 +12 + 15	Սյունիքի հովիտներ	+6 + 10 +17 + 21
Տավուշ	+2 + 7 +13 + 17	Սյունիքի նախալեռներ	0 + 5 +11 + 15
Արագածոտնի լեռներ	-2 + 1 +9 + 11	ԼՂՀ	+6 + 10 +16 + 20
Արագածոտնի նախալեռներ	+4 + 7 +14 + 18	Երեւան	+9 + 10 +20 + 22

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^Պ/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 8.11.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: